

lis Gnovis

■ **DAVIAN.** Religjon di sienziât

Li dal hospice «La Via di Natale» di Davian, «nissun nol à mai domandât di murî. Che anzit, il personâl sanitari e i volontaris a judin ducj a vivi



cun dignitât plene»: puartant chest speli, il farmacologic bergamasc Silvio Garattini i à rispuidût al gjornalist che lu domandave, ai 17 di Fevrâr, su lis «pressions» dal di di vuê «pe legalizazion dal suicidi assistût e de eutanasi». Te lungje interviste, publicade dal suplement «è vita» dal sfuei «Avvenire», il president dal servizi sanitari di Davian, innomenât sore il dut come fondadôr dal istitût «Mario Negri» di Milan, al pant la persuasion che «tai lûcs dulà che lis robis a son fatis come cu va, no esist chê cuistion». Se si fos «in stât di multiplicâ la presince dai hospice, la domande di murî e deventarês minime». La leç 38, seont Garattini (che tal articulo di «è vita» al cjacare ancje de sô fede e dal puest de Glesie te societât), no à bastât par inviâ «avonde hospice par judâ ducj chei ch'a varessin bisugne di lôr».

■ **NEVEE.** In vuaite sul Ripâr

«Cnr» e «Cai» a àn creât la rêta dai 19 «Rifugi Sentinelle del Clima», dulà che si studiarà la clime e il stât dal ambient su lis monts talianis, calculadis come «hot spot climatic», stant che su lis montagnis l'incessite des temperaduris e je dople a pet de scjale globâl. Te rêta di 15 Ripârs «Cai» e di 4 Osservatoris «Cnr», il centri dedicât a lis Alps furlanis al sarâ il Ripâr «Celso Gilberti» de «Societât alpine furlane», logât su la Mont Cjanine, tal Parc des Prealps Juliis. Il progjet al à un lûc internet di pueste ch'al pues jessi visitât a la direzion: <https://rifugisentinella.cnr.it/>. Tal portâl, a son tirâts dongje e scrutinâts i dâts meteorologici ingrumâts di par di. L'intindiment dal progjet al è ancje chel di screâ studis di control locâl, par tignî cont ancje de composizion de atmosfere e par fâ analisis ambientâls, gjeologjichis e gjeomorfologjichis.

■ **UDIN.** Laboratoris in Biblioteche e tai Museus

Vie pai mès di Avrîl e di Mai, i fruts des scuelis de infanzie e primariis dal teritori udinês a podaran cjapâ part, cui siei mestrîs, a lis ativitâts dal progjet «Po si sa po», inmaneât par valorizâ lis risorsis culturâls di Udin – Museus, Bibliotechis, stradis e placis – doprant la lenghe furlane. Dutis lis ativitâts a saran a gratis e «autôrs e animadôrs, cu lis tecnicis de leture animade, de animazion e dal laboratori a favoriran tai fruts la scuierte di storiis, lûcs, ogjets e personaçs inerents ae culture e ae tradizion dal Friûl». Il Museu etnografic al proponarà i laboratoris «Ator dal lunari: Imparin i nons dai mès e dai dis de setemane par furlan»; «Gjeografie... par furlan! Dal mâr aes monts, dai lâts aes culinis, dai flums ae plane» e «Di ce sono fats i nestrîs vistîts? Coton, lane, lin, cjanaipe, sede o nylon? Ma!». L'Ufici pe lenghe furlane dal Cumon di Udin al curarà l'itinerari di scuierte animât tal centri «Ae scuierte di Udin». Leturis animadis e laboratoris a saran scuarzûts de Sezion Fruts de Biblioteche Joppi. In chel fra timp, a funzionaran ancje i zûcs tes placis par cure de «Ludoteche-Ludobus» (par informazions: 0432 1272074 - 0432 1273717 - Fb: Furlan in Comun).

Mercus 23	S. Livi martar	Domenie 27	VIII Domenie vie pal an
Joibe 24	S. Sergji di Cesaree	Lunis 28	S. Roman abât
Vinars 25	S. Cesari martar	Martars 1	S. Albin vescul
Sabide 26	S. Alessandri vescul	Il timp	Cil seren



Il soreli
Ai 23 al jeve aes 6.57
e al va a mont aes 17.45.



La lune
Ai 23 Ultin cuart.

Il proverbi
Il lôf al mangje pioris contadis.
Lis voris dal mès
Tal zardin, prime che al fasi masse cjalt, semenait lis plantis che a domandin ancjemò frêt par menâ, tant che la aculee e l'ai ornamentâl.

Lôfs e Cristians

«Il Lôf al è simbul vîf des pôris e des ambizions dai umign»

«**A**nin, anin a nolis, cumò ch'al duar il lôf, lu cjapaìn pe code, lu menaìn tal cjòb» e bufone la raganize. Ma Charles Perrault nol bufonave gran, proferint la «Morâl» de storie di «Scufute rosse»: «Culî si viôt che i fruts e massime lis fruts cussî nininis, bielîs e agraciadis no àn di scoltâ personis malfidadis: ch'al po sei simpri un lôfli pront a tafiâlîs».

Vadî che liendis, proverbis e tiriters sui lôfs a saran indaûr di mode, cumò che il «paron dal bosc» al à tomât a jessi une presince solite ancje in Furlanie, daspò di un secul di «estinzion», procurade dai europeus ch'a àn fat deventâ il lôf «l'animâl plui lezendari, plui rimirât, plui temût e plui contât» dal continent, cemût che za dal 2015 al sciarive a Ravasclêt il zoolic Nicola Bressi, intant de convigne «Uomini e Lupi. Il ritorno del lupo in Carnia tra scienza, gestione e leggenda». Si à tacât cun cualchi vualmade, cu lis primis fotografiis, salacor cun cualchi piore sbridinade... Po al à tacât cualchi investiment su lis stradis (i ultins doi daprûf Soclêf, ai 3, e Ospedâl Piçul di Glemone, ai 15 di Fevrâr). Ma e je començade ancje la liende des «agressions» e dal «pericul pai cristians», cuntune denunzie, un grum scjassose ma ancjetant indecifrabîl, rivade di Sante Catarine di Malburghet, tal mès di Dicembar. Fint al numar 1 dal 2022 dal periodic «Voce della montagna» ch'al à visât i montanârs furlans di jessi «In balia di lupi, ibridi o randagi» e ch'al à popularizât chê che, pal sfuei di Pontebe, e sarès l'«opinione corrente»: «Speriamo che qualche cacciatore sappia usare a dovere le sue armi e ci liberi da tanta paura. Visto il silenzio di politici e di amministratori, è l'unico augurio che ci sentiamo di esternare». Si che, ancje chentî, a son bastadis un pocjîs di «gnovis ben cuinçadis» parscanclâ intun marilamp studis, ricercjîs e



Foto di Francesco Panuello («Archivio Aree Protette Alpi Marittime»)

Cemût parâsi des «Fake News» e cemût tamesâ lis gnovis sul «paron dal bosc»

progjets ch'a son agns e agnorums ch'a sciarissin «cemût gjestî il lôf, cuant temêlu e dulà fâlû deventâ un'oportunitât», cemût ch'al motivave Bressi za fa 7 agns, in convigne cul implant dal Progjet internazionâl «Life Wolf Alps» (ch'al à une sezion di pueste su lis «Fake News»; www.lifewolfalps.eu/fake-news/no-i-lupi-non-aggressiscono-le-persone/) e sul stamp dai invîts a «razionalitât, calme e moderazion» pandûts, par un esempli, dal «Cai» (www.cai.it/lupi-e-grandi-carnivori-il-cai-richiama-alla-coesione-sociale/). Une contribuzion ancjemò plui esplicite, par difindi i lôfs dai atacs mediatics e dai gnûfs prejudizis, ch'a son daûr a dâi la volte a lis flabis e a lis liendis dai secui stâts, le à uferte la testade cotidiane «Facta.news», componente dal «International Fact-Checking Network». Cul jutori di «Life Wolf Alps», dal Museu des Siencis di Trent e des Areis protezudis des Alps Maritimis e Coziis, e à curât il manûâl «Lupus in Bufala», disponibil a gratis su la rêta des rêts. La publicazion e marche l'impurtance di un'informazion juste; e propon une rispuete a lis domandis plui frequentis; e resone sui efets dal scuintrî fra disinformazion e narrative, ufrint conseis e

imprescj par verificâ lis gnovis sui lôfs e ancje cualchi zûc par controlâ cognosincis e prejudizis. Motivâ chest animâl straordinari e resonâ sun cemût ch'al ven piturât – al ricuarde Nicola Bressi – al jude a cjâlâ «tal speli de nestre anime e de nestre culture, parcè che il Lôf al è simbul vîf des pôris e des ambizions dai umign. Coabitâ cul lôf al vûl di coabitâ cul equilibri de vite, acetant lis sôs regulis plui profundis e rimirant i siei aspîts plui salvadis. Parcè che, cemût ch'al ribat un antic proverbi dai natîfs americans: Une mont cuntun lôf e je une mont plui alte».

Mario Zili

Messe in marilenghe

A Udin, la Messe par furlan e ven cjantade ogni sabide, a 5 e mieze soretere (17.30), li de capele de «Puritât», daprûf dal domo. Sabide ai 26 di Fevrâr al cjantarà messe pre G. Gabassi. Radio Spazio e trasmet sul moment, ogni setemane, dute la celebrazion.

Peraulis in dismentie par cure di Mario Martinis

❖ **SRARÎ**

v. = diradare, sfoitare (voce antica friulana) (da confrontare con *sradire*, attestato al XVI secolo)
Il forment si è srarît in tancj lûcs.
Il frumento si è diradato in tanti luoghi.

❖ **STARONZÂ**

v. = arrotondare; regolare (da *stâr* "stai" e *uzzâ* "arrotondare", affilare una lama o aguzzare una punta di ferro' con intrusione di onzi "ungere")
Al è un an che no mi paie e ancjemò al intint di staronzâ il cont.
È un anno che non mi paga e ancora intende arrotondare il conto.

❖ **STAZÂ**

v. = livellare, calcolare, misurare (dal latino *stadium*, regolo di misurazione, verga graduata che misura la stazza)
Podino stazâ il cjamp cumò?
Possiamo misurare il campo adesso?

❖ **STERP**

s.m. = sterpo, cespuglio di piante spinose che crescono in luoghi aridi e incolti (dal latino *stirps* "ceppo")
Si podressin meti un pôcs di noglârs dacis il troi.
Si potrebbero mettere dei noccioli lungo il sentiero.

❖ **STIÇ**

s.m. = tizzone (dal latino *tītio* "pezzo di legno bruciato da un lato e ancora acceso")
Sul fogolâr a son restâts dome stiçs.
Sul focolare sono rimasti solo tizzoni.

❖ **STILETADE**

s.f. = fitta, dolore improvviso e di breve durata (dal verbo *stilotâ* "stiletare, dare un colpo", da confrontare con il nome friulano *stîl* "stile, arma, modo istintivo di comportarsi")
Quant che o ai sintude une stiletade tal cûr, o ai scugnût sentâmi.
Quando ho sentito una fitta al cuore, ho dovuto sedermi.